

Toshkent viloyati Parkent tumani Nomdanak qishlog'i

58-umumiy o'rta ta'lim maktabning

11-"B"sinf o'quvchisi

Savlatova Zinnuraning

Annotatsiya: Mazkur bayramning nishonlanishi xalqimizning o'z milliy armiyasiga nisbatan cheksiz hurmatini, alp yigitlariga nisbatan iftixorini bildiradi.

Kalit so'zlar: Mudofaa ishlar vazirligi, O'zbekiston Respublikasi Prezidentining farmoni , Qurolli kuchlar, ekstremizm, terrorizm, huquqni muhofaza qiluvchi organlar, milliy armiyamiz

14-yanvar yurtimizda O'zbekiston Respublikasining suvereniteti, xududiy yaxlitligi, aholining tinch hayoti va xavfsizligini himoya qiladigan kasb egalari – Vatan himoyachilari kuni hamda O'zbekiston Respublikasi Qurolli kuchlari tashkil topgan kun sifatida nishonlanadi. Bayram sanasi O'zbekiston Respublikasi Qurolli kuchlari tarixidagi quyidagi eng muhim voqealar bilan bog'liqdir: 1991-yilning 31-avgust kuni «O'zbekiston Respublikasi davlat mustaqilligining asoslari to'g'risida»gi O'zbekiston Respublikasining qonuni qabul qilindi. Shu kuni e'lon qilingan «O'zbekiston Respublikasining davlat mustaqilligi to'g'risida»gi bayonot esa milliy Qurolli kuchlarimizni tashkil etish uchun huquqiy asos bo'lib xizmat qildi. 1991-yil 6-sentyabrdagi «Mudofaa ishlari vazirligini tashkil etish to'g'risida»gi O'zbekiston Respublikasi Prezidentining Farmoni sohaning ilk poydevori sanaladi. 1992-yil 3-iyul kuni Respublikasi Prezidentining Farmoniga muvofiq, O'zbekiston Respublikasi Mudofaa ishlari vazirligi O'zbekiston Respublikasi Mudofaa vazirligiga aylantirildi. 1992-yilning 14-yanvar kuni O'zbekiston Respublikasi Oliy Kengashining «O'zbekiston Respublikasi xududida joylashgan harbiy qismlar va harbiy o'quv muassasalari to'g'risida»gi qarori juda muhim tarixiy ahamiyatga egadir. Mazkur qarorga ko'ra, davlatimiz hududidagi harbiy tuzilmalar respublika tasarrufiga olindi.

1993-yil 29-dekabr kuni O‘zbekiston Respublikasi Oliy Kengashining qarori bilan «14 yanvar – Vatan himoyachilari kuni» deb belgilandi.

Prezidentimiz Shavkat Mirziyoyevning “Armiya va xalq – bir tanu bir jon!” degan olijanob g‘oya va amaliy harakat barcha bo‘g‘indagi hokimiyat va boshqaruv idoralari, mahalla, yoshlar, xotin-qizlar, nuroniylar tashkilotlari, ta’lim-tarbiya muassasalari faoliyatini, keng jamoatchilik hayotini qamrab olmoqda. Bu esa Vatan himoyasi chindan ham barchamizning nafaqat vazifamiz, balki sharaflı burchimizga aylanib borayotganidan yaqqol dalolat beradi” deb aytgan gaplarida ham Qurollı Kuchlarimizning xalq bilan har qachongidan ham yaqinligini anglashimiz mumkin.

Yurtimizda Vatan himoyasi kabi sharaflı ulug‘vor ishga o‘zini bag‘ishlagan harbiylarimiz, nafaqadagi faxriylarimiz katta hurmat va e‘zoz bilan qadrlanib, har yili “14-yanvar – Vatan himoyachilari kuni” katta bayram va shodiyona bilan o‘tadi. Bu kabi e‘tibor va e‘tirof mas‘uliyatli kasb egalarining Vatan oldidagi xizmatlarini yuqori baholanishini namoyon etib, ularning kelgusidagi faoliyatiga ham kuch-quvvat, shijoat va albatta sadoqat bag‘ishlaydi.

Albatta, Vatanni himoya qilish barcha uchun muqaddas burch hisoblanadi. Bu burchni ado etishda yurtimizning himoyachilari bo‘lgan milliy armiyamiz va barcha huquqni muhofaza qiluvchi organlari tomonidan halqimizning tinch va osoyishta hayotini ta‘minlashda olib borayotgan xizmatini munosib baholash hamda ularga zarur shart-sharoit yaratish masalalari ham davlatimiz siyosatining muhim yo‘nalishlaridan hisoblanadi.

Bugungi kunda dunyoning turli joylarida keskin tus olayotgan vaziyatda, xalqaro terrorizm, ekstremizm va radikalizm xavf-xatarlari barchamizni ogoh bo‘lishga chaqiradi va Qurollı kuchlarimizdan esa yuqori darajadagi jangovar qobiliyatni mustahkamlashni talab etadi. So‘nggi yillarda davlatimizda harbiy-siyosiy masalalarda ham tubdan islohotlar amalga oshirilib, milliy armiyamiz har qanday tahdidlarga munosib zarba beradigan jangovor qudrati yildan yilga oshib bormoqda. Bundan tashqari, har bir harbiy xizmatchining bilimi, malakasi hamda ruhiy tayyorgarligi oshirilib borilmoqda.

Bugun biz, milliy armiyamiz harbiy vatanparvarlik, harbiy qurilish va harbiy

Ta'limning zamonaviy transformatsiyasi

sanoat sohasida dunyodagi eng yaxshi tajribalarni qo'llagan holda, chegaralarimiz xavfsizligini ta'minlashning ishonchli kafolatiga aylandi deb g'urur bilan ayta olamiz. O'zbekiston Qurolli Kuchlarining tayanchi va suyanchi bo'lgan zamonaviy harbiy xizmatchilar timsolida biz avvalambor chuqur bilim va intellektual salohiyatga, o'z muqaddas harbiy burchini bajarish yo'lida qat'iy iroda va mustahkam tayyorgarlikka ega bo'lgan, ona yurtimizga sadoqatli, mard va fidoyi insonlarni ko'ramiz hamda ular bilan haqli ravishda faxrlanamiz.

Azal-azaldan harbiylik kasbi mashaqqatli, shu bilan birga sharafli kasb sifatida sanalib kelingan. Mashaqqati shundaki, vatanimizning tinchligi va osoyishtaligi uchun barcha mas'uliyat harbiylarimiz zimmasiga tushadi. Ular kechani-kecha, kunduzni-kunduz demay, qahraton sovuqqa ham, jazirama issiqqa ham bardosh berib vatanimiz tinchligini, uning sarhadlarini qo'riqlab kelishmoqdalar.

Fursatdan foydalanib, shuni aytamanki bizning Toshkent viloyati Parkent tumanida joylashgan Nomdanak qishlog'idan ham juda ko'p harbiylar yetishib chiqan. Mening dadam ham shu sohada ishlab yoshi yetgach nafaqaga chiqqanlar. Hozirda esa akalarim ham vatan oldidagi burchlarini fidokorona bajargan xolda vatanimizga xizmat qilishmoqda.

Foydalanilgan adabiyotlar to'plami:

- 1 O'zbekiston tarix(10-15)
- 2 Ziyonet.net.
- 3 saviya.uz
- 4 taffakur.net